



1 4  
1548  
9



14  
1548  
9

春秋左氏古義卷第三

長興 臧壽恭述

僖公

僖公史記漢書皆作釐公正義云僖公于惠王十八年卽位是歲歲在鶉首案置閏元年歲星定次四次餘十各加二得定次六次餘十二命如法得歲在鶉首

春秋古經第五

元年

齊師宋師曹師次于聶北救邢

三僖

昭和十八年  
十二月三十日

案曹師各本誤作曹伯今从唐石經及莊三年襄廿三年正義引經改正

說文品部岳字注引春秋傳曰次于岳北讀與聶同案岳為正字聶為假借字許字所引蓋賈經也

左氏先儒以為齊桓君也進止自由故先次後救

正義入 又是年正義云公羊以為此言次于聶北救邢與襄二十三年叔孫豹救晉次于雍榆二事相反為之作說言此是君也進止自由由彼是臣也先通君命賈服取以為說

夏六月刑遷于夷儀

夷儀公羊穀梁曰陳儀

案禮記喪大記夷于堂正義云夷陳也釋文夷如字陳也又爾雅釋詁雉陳也雉與夷通故夷亦通陳司馬彪郡國志云東郡聊城有夷儀聚

八月公會齊侯宋公鄭伯邾人于榿

榿公羊曰打

案公羊釋文云打勅貞反又他丁反穀梁釋文云榿勅貞反一本作打據此榿與打是同音相假

九月公敗邾師于偃

偃公羊曰纓

案纓偃音轉相通猶營偃之相通也說詳文十八年

冬十月壬午公子友帥師敗邾師于鄆獲莒挈

鄆公羊曰犁穀梁曰麗

案鄆犁麗三字通鄆正字麗犁省借字又公羊釋文

云莒挈女加反一本作茹音同

十有二月丁巳夫人氏之喪至自齊

賈逵云殺子輕故但貶姜

正義

二年春王正月城楚丘

賈逵云楚丘衛地也

史記索隱

虞師晉師滅下陽

下陽公羊穀梁曰夏陽

案下與夏音同通假水經注四引服虔注下作夏蓋

服注本左氏經與公穀同

秋九月齊侯宋公江人黃人盟于貫

貫公羊曰貫澤

案公羊僖九年傳貫澤之盟疏云即上二年秋九月齊侯宋公江人

黃人盟于貫是也而此言于貫澤者蓋地有二名壽恭謂據此則此年公羊經本作盟于貫無澤字今本有澤字者與釋文石經合

賈逵云江黃稱人刺不度德善鄰恃齊背楚終為

楚所滅

正義

冬十月不雨

劉歆以為釐公二年冬十月不雨三年春正月不

雨夏四月不雨六月雨先是者嚴公夫人與公子

慶父淫而殺二君國人攻之夫人孫于邾慶父奔

莒釐公即位南敗邾東敗莒獲其大夫有炕陽之

應漢書五行志中之上

三年春王正月不雨夏四月不雨

正義云穀梁傳曰一時言不雨者閔雨也閔雨者有志乎民者也文二年傳歷時而言不雨文不憂雨也不憂雨者無志乎民也言僖有憂民之志故每時一書文無憂民之志是以歷時總書賈服取以為說

冬公子友如齊涖盟

涖公羊穀梁曰莅

案說文無莅涖字立部隸臨也此其正字也周禮小宗伯用牲

于社宗則為位鄭注云故書位為涖杜子春云涖當為位書亦或為位壽恭謂據周禮注知漢時隸書已變隸作涖因涖又變為莅經典錯出轉寫任意唐時已然故詩小雅方叔涖止釋文云涖本又作莅漢綏民校尉熊君碑復莅三年劉寬後碑及其涖官統政是二字隸變其來亦已久矣

四年春王正月公會齊侯宋公陳侯衛侯鄭伯許男

曹伯侵蔡蔡潰

賈逵曰民逃其上曰潰

史記集解三十二案文三年傳曰凡民逃其上曰

潰此賈注民字上當有傳曰二字

夏許男新臣卒

賈逵云不言于師善會主加禮若卒于國 正義

楚屈完來盟于師

服虔云言來者外楚也嫌楚無罪言來以外之 正義

齊人執轅濤塗

轅公羊穀梁曰袁 案左氏釋文云袁本多作轅據此則陸氏所見左氏經亦作袁

與公穀同說文爰部爰籀文以為車轅字史記袁盎漢書作爰盎史游急就篇云袁展世顏注云爰氏之先本與陳同姓其後或為轅字又作袁字本一族也洪适隸釋載袁良碑云周之興虞闕父典

陶正嗣滿為陳侯至元孫濤塗立姓曰袁魯僖公四年為大夫哀十一年頗作司徒袁生當秦之亂隱居河洛高祖破項實从其冊洪氏跋曰班史以袁生為轅生古字通用也

冬十有二月公孫茲帥師會齊人宋人衛人鄭人許

人曹人侵陳

茲公羊曰慈 案慈从茲聲音同相假又茲與子通子與慈通故茲慈亦通

五年

公及齊侯宋公陳侯衛侯鄭伯許男曹伯會王世子

于首止秋八月諸侯盟于首止

首止公羊穀梁曰首戴

案止戴聲轉相通地名無定字隨音而異也

九月戊申朔日有食之

劉歆以為七月秦晉分

案是年入甲申統九百八十八年積月一萬二千二

百二十無閏餘積日三十六萬八百六十七小餘十三大餘二十七正月辛亥朔小小餘五十六二月庚辰朔大小餘十八三月庚戌朔小小餘六十一四月己卯朔大小餘二十三五月己酉朔小小餘六十六六月戊寅朔大小餘二十八七月戊申朔又置上積日加積日一百七十七以統法乘之以十九乘小餘二十八并之滿周天除去之餘二十七萬二千四十八滿統法而一得積度一百七十七度餘二百六十一命加法合辰在井二十六度周禮保章氏鄭注以實沈為晉分以鶉首為秦

分實沈終于井十五度鶉首起于井十六度故曰秦晉分

六年

七年

秋七月公會齊侯宋公陳世子款鄭世子華盟于甯母

甯母公羊穀梁曰寗母

案宣十一年傳孔寗公羊作孔甯後漢書烏桓傳注

云寧甯兩字通也

曹伯班卒

班公羊曰般案班般古通

八年春王正月公會王人齊侯宋公衛侯許男曹伯

陳世子款盟于洮

陳世子款下公羊有鄭世子華案下書鄭伯乞盟似是公羊經誤衍

鄭世子華四字然何注云鄭伯欲與楚不肯自來盟何注不直言不肯來盟乃言不肯自來盟尋味

自字公羊經或多鄭世子華四字

九年襄王元年歲在

夏公會宰周公齊侯宋子衛侯鄭伯許男曹伯于葵

丘

賈逵云漢法三年祭地陰方澤澤中有方丘故

謂之方丘澤即鄗丘也水經注六正義曰或曰河東汾陰縣為葵丘案

正義引或說即賈注

九月戊辰諸侯盟于葵丘甲子晉侯詭諸卒

甲子公羊曰甲戌案上有戊辰疑左穀經亦作甲戌今本左氏經作甲子乃杜氏

所據誤本也穀梁經亦後人所改故釋文不言與公羊異詭當从石經岳本作詭穀梁釋文云詭諸

左氏作詭諸此左氏經作詭之明証詭詭俱从危聲故通



冬晉里克殺其君之子奚齊

殺公羊曰弒

案殺弒同音釋文如字又音弒

左氏說未踰年之君未葬繫于父殺奚齊于次時

父未葬雖未踰年稱子成爲君不繫于父齊公子

商人殺其君舍父已葬

通典凶禮十五引五經異義

十年

晉里克弒其君卓及其大夫荀息

卓公羊曰卓子

案傳曰卓子又曰公子卓猶晉悼公名周而成十八年傳又稱周子

也蓋公羊以卓子爲名左氏以卓爲名而以卓子爲別稱漢書楚元王傳引作晉里克弒其君卓此穀梁經也左氏經與穀梁同與公羊異他如國語晉語史記十二諸侯年表晉世家漢書古今人表及史紀集解引服注並作卓子疑用左氏別稱莊二十八年傳晉伐驪戎驪戎男女以驪姬生奚齊其姊生卓子或卓子本二名左穀經奪子字又案桓二年正義引釋例云晉之荀息期欲復言本無大節先儒隨加善例又爲不安壽恭謂據此則左氏舊說善荀息與公穀同

冬大雨雪

大雨雪公羊曰大雨雹

案傳說不同漢書五行志于雨雪類別出公羊經曰

大雨雹正以其經文不同

十有一年春晉殺其大夫平鄭父

公羊疏云左氏經無父字案僖十年左氏傳云遂殺平鄭無父字則左氏經無父字今本有者誤衍

十有二年春王三月庚午日有食之

三月穀梁曰正月

案漢志載劉歆以為二月齊衛分是漢時春秋古經作三月楚元王傳注引經亦作三月今文穀梁經作正月而釋文不言與左氏異疑今本穀梁誤

劉歆以為二日

二日今本漢書誤作三日齊衛分案年入甲申統九百九十五年積月一萬二千三百六閏餘十一積日三十六萬三千四百六小餘六

十六大餘四十六正月庚午朔大小餘二十八二月庚子朔小小餘七十一三月己巳朔二日庚午

又置上積日加積五十九以統法日乘之以十九乘小餘七十一拜之滿周天除去之餘六萬四千

六百八十四滿統法而一得積度四十二度餘四十六命如法得三月己巳朔合辰在危十三度二

日庚午在危十四度危十五度為亥枵之次終危十六度為姬訾之次初十二次之分亥枵齊也姬

訾衛也故曰齊衛分

冬十有二月丁丑陳侯杵臼卒

杵臼公羊曰處白

案杵處音相近杵為正字處為同音假借字

十有三年

十有四年

夏六月季姬及鄆子遇於防使鄆子來朝

鄆子穀梁曰繪子

左氏釋文云鄆亦作繪 案漢書地理志東海郡繪故國禹後

續漢書郡國志琅邪國繪故屬東海是鄆當作繪宜從釋文亦作字

秋八月辛卯沙鹿崩

左氏以為沙鹿晉地沙山名也地震而麓崩不書

震舉重者也伯陽父所謂國必依山山川崩川竭

亾之徵也不過十年數之紀也至二十四年晉懷

公殺于高粱

漢書五行志下之上

服虔云沙山名鹿山足林屬于山曰鹿

正義案服注用穀

梁說鹿說文引作麓古文作藜史記索隱一引穀梁傳亦作麓尚書舜典大麓釋文音鹿王云錄也馬鄭云山足也易屯卦即鹿釋文王肅作麓云山足據此則鹿錄皆麓假借字

十有五年

公孫敖帥師及諸侯之大夫救徐

帥公羊曰率

案帥率古通

夏五月日有食之

劉歆以爲二月朔齊越分

案是年入甲申統九百九十八年積月一萬二

千三百四十三閏餘十三是歲有閏積日三十六萬四千四百九十九小餘三十七大餘五十九正月癸未朔小小餘八十二月壬子朔又置上積日加積日二十九以統法乘之以十九乘小餘八十并之滿周天除去之餘一萬四千二百五十二滿統法而一得積度九度餘四百九十一命如法合辰在女二度女七度爲星紀之次終女八度爲亥枵之次初十二次之分星紀吳越也亥枵齊也故曰齊越分

齊師曹師伐厲

昭四年吳滅賴公羊作厲釋文云厲如字又音賴公羊僖十五年釋文厲舊音賴則知厲與賴本一

國古音通故或作厲或作賴司馬彪郡國志曰汝南褒信侯國有賴亭故賴國

九月公至自會

定八年經三月公至自侵齊曹伯露卒公羊疏二十六引賈逵注云還至不月爲曹伯卒月壽恭謂據此則九月是爲己卯晦震夷伯之廟月

己卯晦震夷伯之廟

劉歆以爲春秋及朔言朔及晦言晦人道所不及則天震之展氏有隱隱故天加誅于其祖夷伯之廟以譴告之也成公十六年六月甲午晦晉侯及

楚子鄭伯戰于鄢陵皆月晦云

漢書五行志下之上案已卯九月

朔魯史以為九月晦又案上五月日食劉歆以為二月則此九月劉歆以為六月以三統推是年二月壬子朔大三月壬午朔大四月壬子朔小五月辛巳朔大六月辛亥朔小二十九日已卯晦七月庚辰朔大八月庚戌朔小九月已卯朔

十有六年春王正月戊申朔隕石于宋五是月六鷁

退飛過宋都

隕公羊曰賈鷁公羊穀梁曰鷁

案說文石部碩落也从石員聲春秋

傳曰碩石于宋五鳥部鷁鳥也从鳥兒聲春秋傳曰六鷁退飛說文所引春秋傳即左氏傳是左氏

經隕本作碩鷁本作鷁釋文亦云鷁五歷反本或作鷁同音穀梁疏引賈逵云鷁水鳥陽中之陰

象君臣之訟鬪也杜注云鷁水鳥疏云鷁水鳥者相傳為然

傳曰風也劉歆以為風發于他所至宋而高鷁高

蜚而逢之則退經以見者為文故記退蜚傳以實

應著言風常風之罰也象宋襄公區霧自用不容

臣下逆司馬子魚之諫而與疆楚爭盟後六年為

楚所執應六鷁之數云

漢書五行志下之上釋文云是月本或作是日

案公羊以是月為月晦釋文音是作徒兮反讀作提非左氏義也漢書五行志下之上引隕石于宋

五則曰正月戊申朔又下之上引六鵙退蜚則但言正月杜注云是月隕石之月重言月嫌同日杜注蓋本舊說若作是日漢志引六鵙退飛亦當言正月戊申朔不當但言正月初學記晦日條引作提月陸佃鷓冠子王鈇篇注亦引作提月

十有七年

十有八年春王正月宋公曹伯衛人邾人伐齊

宋公曹伯公羊曰宋公會曹伯

案傳曰宋襄公以諸侯伐齊似左氏

經亦有會字

十有九年

夏六月宋公曹人邾人盟于曹南鄆子會盟于邾

宋公公羊曰宋人

案公羊作宋人何注有明文

冬會陳人蔡人楚人鄭人盟于齊

公羊曰冬公會陳人蔡人楚人鄭人盟于齊

案四國俱

稱人則不當有公字疑公羊誤衍

二十年春新作南門

劉賈先儒皆云言新有故木言作有新木

正義

五月乙巳西宮災

案三家經俱作乙巳而汪本漢書作乙酉毛本作已酉疑傳刻之誤

左氏以為西宮者公宮也言西知有東東宮太子

所居言宮舉國毛本皆災也漢書五行志上

二十有一年

秋宋公楚子陳侯蔡侯鄭伯許男曹伯會于孟

孟公羊曰霍穀梁曰雩

案范注云雩或為字壽恭謂孟雩字皆从亏聲佳與

亏亦聲相近霍从佳聲故皆可通假

二十有二年春公伐邾取須句

須句公羊曰須胸

案句胸聲同相假

冬十有一月己巳朔宋公及楚人戰于泓宋師敗績

賈氏云泓之戰譏宋襄故書朔

正義五十一詩大明正義引膏肓云

僖二十二年宋公及楚人戰于泓左氏以為不用子魚之計至於軍敗身傷所以責襄公也而公羊善之云雖文王之戰亦不過是箴曰刺襄不度德不量力引考異郵至襄公大辱師敗于泓徒信不知權譎之謀不足以交鄰國定遠疆也此是譏師敗也公羊不譏違考異郵矣

二十有三年春齊侯伐宋圍緡

緡穀梁曰閔

案凡从文从民之字古皆通假如潛讀汶之類是也

二十有四年

二十有五年

冬十有二月癸亥公會衛子莒慶盟于洮

賈服以爲時衛文公已葬衛成公猶稱子者明不

失子道

禮記正義四

二十有六年春王正月己未公會莒子衛甯速盟于

向

速公羊曰邈

案邈即速之籀文

公追齊師至鄆弗及

鄆公羊穀梁曰舊

案左傳釋文云鄆本又作舊戶圭反是左氏經本作舊鄆爲正

字舊爲假借字

秋楚人滅夔以夔子歸

夔公羊曰隗

案夔隗音同相假

二十有七年

二十有八年

楚殺其大夫得臣



得臣不書族賈氏以為陋

正義三

五月癸丑公會晉侯齊侯宋公蔡侯鄭伯衛子莒子

盟于踐土

賈逵曰踐土鄭地名在河內

史記集解四

冬公會晉侯齊侯宋公蔡侯鄭伯陳子莒子邾子秦

人于温

穀梁無齊侯疑奪

天王狩于河陽壬申公朝于王所

狩穀梁曰守

案左傳釋文云狩本又作守是左氏經本作守而水經河水篇引經傳並

作狩與陸氏所見本同古書多借守作狩

賈逵曰河陽晉之温也

史記集解四水經注五左傳序正義云僖二十八

年冬下無月又何休公羊注以為壬申不繫月者諸侯不繫于天子也案傳日以臣召君不可以訓

疑左氏亦同公羊說

二十有九年

夏六月會王人晉人宋人齊人陳人蔡人秦人盟于

翟泉

會公羊穀梁曰公會翟泉公羊曰狄泉

案杜注本左氏經無

公字注有明文傳曰卿不書罪之也在禮卿不會公侯會伯子男可也然則罪既在卿不當更諱公似左氏經本有公字又公羊何注云文公圍許不能服自知威信不行故復上借王人以會諸侯年老志衰不能自致故諸侯亦使微者會之據此注似公羊經本無公字蓋後人轉寫譌亂杜氏好與古違反據誤本作說耳翟狄古字通國語周語自竄于戎翟之間史記周本紀翟作狄

秋大雨雹

傳曰聖人在上無雹雖有不為災說曰凡物不為災不書書大言為災也凡雹皆冬之愆陽夏之伏

陰也 五行志中之下

三十年

三十有一年

猶三望

賈服以為三望分野之星國中山川 正義穀梁疏九爾雅疏

七

三十有二年

三十有三年

夏四月辛巳晉人及姜戎敗秦師于殺

敗秦師于殺公羊曰敗秦于殺

案公羊經無師字傳有明文穀梁傳

日狄秦也是穀梁經亦無師字今本有者蓋誤衍

公伐邾取訾婁

取訾婁公羊曰取叢穀梁曰取訾樓

案公羊釋文云取敢才工

反二傳作訾樓是陸氏所據本公羊經叢作敢敢即叢字說文叢敢皆从取聲二字皆當讀為鄒故公羊文七年疏云僖三十三年取叢彼叢字多作鄒又儀禮既夕御以蒲敢鄭注云古敢作駟據此知叢敢同聲訾婁即鄒之合音後人讀叢若深陸氏遂音敢為才工反誤矣婁即樓之省文

隕霜不殺草

劉歆以為草妖

漢書五行志中之下

文公

正義云文公以襄王二十六年即位是歲歲在降婁案置僖元年歲星定次六次餘十二各加三十三得積次三十九次餘四十五積次滿十二去之得定次三命如法得歲在降婁

春秋古經第六

元年

二月癸亥日有食之

三文

癸亥公羊曰癸亥朔

案杜注本左氏經無朔字漢書五行志引經亦無朔字楚

元王傳注引有朔字蓋穀梁經也

劉歆以為正月朔燕越分

案是年入甲申統一千一十七年積月一萬二

千五百七十八閏餘十三是歲有閏積日三十七萬一千四百三十九小餘十七大餘三十九正月癸亥朔又置上積日以統法乘之以十九乘小餘十七并之滿周天除去之餘五十三萬一千二百七十四滿統法而一得積度三百四十五度餘五百七十三命如法合辰在斗七度五行志云凡春秋日食三十六公羊以為朔二十七二日七晦日二若是年作癸亥朔則當為朔二十八然則公羊經亦無朔字今本有者誤衍

天王使毛伯來錫公命

賈逵以為諸侯踰年即位天子賜以命珪合瑞為

信通典八十引段暢議

叔孫得臣如京師

惠棟曰世本云桓公生僖叔牙牙生戴伯茲茲生莊叔得臣得臣生穆叔豹

冬十月丁未楚世子商臣弑其君頹

頹公羊穀梁曰髡

案頹从君聲髡从兀聲古音文頹同部故頹髡相通漢書楚元

王傳注引經作楚大子商臣弑其君頹

二年

丁丑作僖公主

通典吉禮七引五經異義曰主者神象也孝子既葬心無所依所以虞而立主以事之唯天子諸侯有主卿大夫無主尊卑之差也卿大夫無主者依神以几筵故少牢之祭但有尸無主三王之代小祥以前主用桑者始死尚質故不相變既練易之遂藏于廟以為祭主凡虞主用桑練主夏后氏以松般人以柏周人以栗春秋左氏傳曰凡君薨卒哭而祔祔而作主特祀於主烝嘗祔于廟主之制四方穿中央達四方天子長尺二寸諸侯長一尺皆刻謚于背案許氏受古學于賈逵異義所述蓋左氏說又案此作主謂練主僖三十三年傳云作主非禮也謂虞主兩處經傳不同舊說尚可

證據杜氏故為牽渾反疑傳文倒錯謬甚

夏六月公孫敖會宋公陳侯鄭伯晉士穀盟于垂隴

士穀穀梁曰士穀垂隴公羊穀梁曰垂斂

案左傳釋文云

穀本亦作穀穀梁釋文云穀本又作穀二字聲同形近古多通假斂之與隴以雙聲相假猶漢書梅福傳斂斂之作庸庸也

自十有二月不雨至于秋七月

劉歆以為文公即位天子使叔服會葬毛伯賜命

又會晉侯于戚公子遂如齊納幣又與諸侯盟上

得天子外得諸侯沛然自大躋釐公主大夫始顯  
事十年自正月不雨至于秋七月先是公子遂會  
四國而救鄭楚使越椒來聘秦人歸襪有炕陽之  
應十三年自正月不雨至于秋七月先是曹伯杞  
伯滕子來朝郕伯來奔秦伯使遂來聘季孫行父  
城諸及鄆二年之間五國趨之內城二邑炕陽失

眾漢書五行志中之上

八月丁卯大事于太廟躋僖公

四年

衛侯使甯俞來聘

賈氏云甯俞公羊曰甯速

公羊疏十三案今本公羊經亦作俞與賈氏

所見本異然僖二十六年之甯速公羊經作遯此速字似亦當作遯左氏經作俞傳有明文公穀俱

無傳

冬十有一月壬寅夫人風氏薨

古春秋左氏說成風妾得立為夫人母以子貴禮

也通典嘉禮十七引五經異義

五年春王正月王使榮叔歸舍且賵

賈逵云諸夏稱天王畿內曰王王使榮叔歸舍且

賵以恩深加禮妾母恩同畿內故稱王

正義二  
十六

賈服云舍賵當異人今一人兼兩使故書且以譏

之正義又引何休膏肓以為禮尊不含卑又不

天子于二王後之喪舍為先禮次之賵次之禮

侯于諸侯舍之賵之小君亦如之于諸侯臣禮諸

侯相于如天子于二王後于卿大夫如天子于諸

侯于士如天子于諸侯臣何休云尊不含卑是違

禮非經意其一人兼歸二禮亦是為譏

王使召伯來會葬

召伯穀梁曰毛伯

案穀梁疏云左氏公羊及徐邈本並云召伯此本作毛伯疑誤

也據此知徐仙民所注穀梁亦同左氏公羊作召伯今本誤元年穀梁疏引此亦作召伯

冬十月甲申許男業卒

案公羊疏云正本作辛字案辛當作莘說文莘

叢生艸也讀若泥滂大版也从莘从巾蓋因莘字

經傳少見學者罕識故或誤為業或誤為辛也

六年

季孫行父如陳

三書

三書

惠棟云案世本云公子友生齊仲齊仲生無逸無逸生行父行父生夙

八月乙亥晉侯驩卒

驩公羊曰謹案驩謹皆从霍聲音同通假書堯典驩兜史記五帝本紀作謹兜

晉狐射姑出奔狄

射姑穀梁曰夜姑案射夜同聲相假

閏月不告月猶朝于廟

三統厯云五年閏餘十是歲亾閏而置閏閏所以正中朔也亾閏而置閏又不告朔故經曰閏月不

告朔言亾此月也傳曰不告朔非禮也漢書律歷志下案

是年入甲申統一千二十二年以章月乘之得二四零一七零滿章歲而一得積月一萬二千六百四十閏餘十無閏釋文云不告月月或作朔誤也案據漢書當从或作字禮記玉藻正義引吳義公羊說每月告朔朝廟至于閏月不以朝者閏月殘聚餘分之月無正故不以朝經閏月猶朝廟議之左氏說閏以正時時以作事以厚生生民之道于是乎在不告閏朔棄時正也謹案从左氏說不顯朝廟告朔之異謂朝廟而因告朔駁曰堯典以閏月定四時成歲閏月當告朔說者不本于經所譏者異其是與非皆謂朝廟而因告朔似俱失之朝廟之經在文六年冬閏月不告月猶朝于廟辭與宣三年春郊牛之口傷改卜牛牛死乃不郊三望同言猶者告朔然後



當朝廟郊然後當三望今廢其大存其細是以加  
猶譏之論語曰子貢欲去告朔之餼羊周禮有朝  
享之禮祭然則告朔與朝廟祭異明矣

七年

夏四月宋公王臣卒

王臣穀梁曰王臣

案左氏釋文云王臣本或作王臣穀梁釋文云王臣本或作王

臣據釋文左氏之王有作壬者穀梁之壬有作王者蓋王之作壬隸變體別漢魯峻碑陰壬竦顧氏萬吉以為壬卽王字又匡謬正俗四云襄五年楚公子王夫字子辛今之學者以其字子辛遂改王夫為壬夫如顏氏說則襄五年之王夫本作王夫今三家經俱作王夫蓋唐人所改

晉先蔑奔秦

晉先蔑奔秦公羊曰晉先昧以師奔秦

案公羊釋文但言昧

左氏作蔑不言左氏無以師二字左傳云先蔑將下軍疑左氏經亦有以師二字

八年

乙酉公子遂會雒戎盟于暴

雒戎公羊曰伊雒戎

案左氏釋文云會雒戎本或作伊雒之戎穀梁釋文云雒

音洛或作伊雒之戎據釋文則三家經皆有伊字左穀且有多之字之本

公孫敖如京師不至而復丙戌奔莒

三文

三

公不至而復公羊曰不至復

案宣八年公子遂如齊至黃乃復公羊傳曰其

言至黃乃復何往曰據公孫敖不言至復又不言

乃此公羊經作不至復之明證左氏經石經岳本

皆有而字而三傳釋文皆不標異文

九年項王元年歲在析木太歲己亥二月叔孫得臣如京師辛丑葬襄王

左氏說王喪赴者至諸侯既哭問故遂服斬衰使

上卿弔上卿會葬經書叔孫得臣如京師葬襄王

以為得禮禮記正義十二引五經異義又引鄭駁曰按魯夫人成風薨王使榮叔歸舍

且賈召伯來會傳曰禮也襄王薨叔孫得臣如周葬襄王天子于魯既舍且賈又會葬為得禮則是

魯于天子一大夫會為不得禮可知又左傳云鄭游吉云靈王之喪我先君簡公在楚我先大夫印

段實往敝邑之少卿也王吏不討恤所無也豈非左氏諸侯奔天子之喪及會葬之明文說左氏者

云諸侯不得棄其所守奔喪自違其傳案簡公在楚上卿當守國故使少卿印段往舊說與傳不

違鄭駁誤

晉人殺其大夫士穀及箕鄭父

賈逵云箕鄭稱及非首謀正義

冬楚子使椒來聘

椒穀梁曰菽

案椒菽相通與條脩同例穀梁釋文云菽子遙反

秦人來歸僖公成風之襚

案成風者僖公之母莊公之妾母以子貴故上經書夫人風氏母以子氏故此經書僖公成風

十年

楚殺其大夫宜申

宜申不書氏賈氏以為陋

正義引釋例

楚子蔡侯次于厥貉

厥貉公羊曰屈貉

案周禮內司服闕狄鄭注云鄭司農曰喪大記作屈狄屈者音

聲與闕相似壽恭謂闕厥俱从厥聲故厥亦與屈通凡偏傍从厥之字亦借用屈如劓劓作劓劓之類是也

十有一年春楚子伐麋

麋公羊曰圈

案麋與圈古音同部故二字相假

夏叔仲彭生會晉卻缺于承匡

叔仲彭生公羊穀梁曰叔彭生承匡公羊穀梁曰

承匡

服虔曰叔仲惠伯

史記集解三十三案釋文云叔仲彭生本或作叔彭生仲衍

字壽恭謂漢書五行志水經陰溝水注並引作夏  
叔彭生會晉卻缺于承筐唐石經亦無仲字筐作  
匡據史記集解疑有  
仲字者服氏經也

叔孫得臣敗狄于鹹

服虔曰魯地也

史記集解  
三十三

十有二年

秦伯使術來聘

術公羊曰遂

術與  
遂通

案禮記月令審端經術鄭注術周禮  
作遂學記術有序鄭注術當作遂是

晉人秦人戰于河曲

服虔曰河曲晉地

史記集  
解四

季孫行父帥師城諸及鄆

鄆公羊曰運

案鄆作運假借字  
鄆此為東鄆莒魯所爭者是時屬魯

又案魯有東西

故季孫城之後入于莒成九年楚子重伐莒莒潰  
楚人入鄆襄十二年莒人圍台季孫宿帥師救台  
遂入鄆是也昭元年季孫宿伐莒取鄆自此  
又屬魯續漢書郡國志琅邪東莞有鄆亭

十有三年

邾子貜蓀卒

公羊穀梁曰籩條案凡隸書从竹之字多變从卮今本左氏經作籩條乃隸變之

大室屋壞

大室公羊曰世室

案古文作大今文作世猶衛大

為樂世心也

服以為大廟之室也

正義 詩正義二十之一

冬公如晉衛侯會公於沓

公羊曰冬公如晉衛侯會于沓

案公羊無公字疑奪

鄭伯會公于棐

棐公羊曰斐

案斐棐皆从非聲故可通假

十有四年

齊人執子叔姬

服云子殺身執閔之故言子為在室辭

正義

十有五年

匡王元年歲在實沈太歲乙巳

六月辛丑朔日有食之

劉歆以為四月二日魯衛分

案是年入甲申統一千三十一年積月

萬二千七百五十一閏餘十六是歲有閏積日三  
十七萬六千五百四十八小餘四大餘四十八正  
月壬申朔小小餘四十七二月辛丑朔大小餘九  
三月辛未朔小小餘五十二四月庚子朔二日辛  
丑又置上積日加積日八十八以統法乘之以十  
九乘小餘五十二并之滿周天除去之餘九萬八  
千七十二滿統法而一得積度六十三度餘一千  
一百十五命如法得四月庚子朔合辰在壁一度  
二日辛丑日  
在壁二度

十有六年

六月戊辰公子遂及齊侯盟于鄆丘

賈氏云鄆丘公羊曰菑丘穀梁曰師丘公羊疏十

本公羊經作犀丘公羊釋文云犀丘音西左氏作鄆丘穀梁作師丘穀梁釋文云師丘左氏作鄆丘公羊作犀丘據釋文陸氏所見本公羊經與今本同賈氏云公羊曰菑丘者蓋公羊有嚴顏之異故不同也鄆菑犀師四字音相近地名無定字隨音而異也又犀之與師古多通假漢書匈奴傳黃金犀比國策趙策作師比是借師作犀

冬十有一月宋人弑其君杵臼

杵臼公羊曰處臼案已見僖十二年

十有七年

夏四月癸亥葬我小君聲姜

聲姜公羊曰聖姜

案聲聖音同相假漢書古今人表衛聲公索隱作聖公

齊侯伐我西鄙

服虔以為再來伐魯北鄙不書諱仍見伐

正義

十有八年

秦伯罃卒

賈氏云秦伯罃穀梁曰秦伯偃

公羊疏二十二案今本穀梁經亦

作罃釋文同與賈氏所見本異古今人表女罃大戴禮帝繫篇或作女偃偃从匚聲錢氏大昕云罃

偃音之轉

莒弒其君庶其

劉賈許穎以為君惡及國朝則稱國以弒惡及國

人則稱人以弒

正義引釋例

正義云宣公以匡王五年即位是歲歲在壽星

案書文元年歲在壽星得積次二十一次餘六十三積次滿十二

春秋古經第七

元年

三月

遂以夫人婦姜至自齊

三文

三

三文

齊侯伐我西鄙

齊侯伐我西鄙 齊侯伐我西鄙 齊侯伐我西鄙

服虔以為再來伐魯北鄙不書言伐見傳

十有八年

秦伯罃卒

人隕

人隕

人隕 人隕 人隕

案今本穀梁經亦

隆賈指蘇以爲匡惡又國暉隕蘇國以隆惡又國

莒孫其孫烈其

### 春秋左氏古義卷第四

長興干臧壽恭述

#### 宣公

正義云宣公以匡王五年即位是歲歲在壽星  
案置文元年歲星定次三次餘四十五各加十八  
得積次二十一次餘六十三積次滿十二  
去之得定次九命如法得歲歲在壽星

#### 春秋古經第七

#### 元年

三月遂以夫人婦姜至自齊

四宣





服虔云古者一禮不備貞女不從故詩云雖速我  
訟亦不女從宣公既以喪娶夫人從亦非禮故不  
稱氏見略賤之 正義

楚子鄭人侵陳遂侵宋晉趙盾帥師救陳

服虔云趙盾既救陳而楚師侵宋趙盾欲救宋而  
楚師解去 正義

宋公陳侯衛侯曹伯會晉師于斐林伐鄭

斐林公羊曰斐林 案斐作斐說  
見文十三年

冬晉趙穿帥師侵崇

崇公羊曰柳 案崇訓聚柳亦訓聚古以諧聲為訓  
詰是崇與柳音義皆同又古韻東冬  
尤幽每相出入如詩常棣以戎韻務屈賦天問  
以龍韻遊是也崇柳同音亦冬尤出入之例

二年春王二月壬子宋華元帥師及鄭公子歸生帥

師戰于大棘宋師敗績獲宋華元

正義云此華元歸生及哀二年趙鞅罕達客主各  
言帥師者皆是將尊師眾故並具其文或於歸生  
下無帥師二字奪耳案哀二年公羊解云諸家  
之經軒達之下皆有帥師唯服引經者無據此疑  
此經歸生下無帥  
師者當亦是服本

秋九月晉趙盾弑其君夷皋

夷皋公羊曰夷獐

案說文口部嗥咆也譚長說嗥从犬作獐是獐即嗥字嗥與皋

通周禮大祝來瞽令皋舞鄭注云皋讀為卒嗥呼之嗥也

三年

定王元年歲在析木太歲辛亥

楚子伐陸渾之戎

陸渾之戎公羊曰賁渾之戎穀梁曰陸渾戎

案公羊釋

文云賁舊音六或音奔錢氏大昕云陸作賁此轉寫之譌本當為齒即古文陸字从光光讀為六故陸亦有陸音壽恭謂賁當為賁隸省作賁與賁相似故致誤耳昭十七年賁渾宋鄂州官本作賁渾

其明證也

四年

五年

秋七月齊高固來逆叔姬

叔姬公羊穀梁日子叔姬

案正義云俱是外來逆女適諸侯諸侯遣臣來

逆則稱逆女紀裂繻來逆女是也適大夫大夫自來逆女則稱所逆之字此高固來逆叔姬是也又云莊二十七年莒慶來逆叔姬文與此同據正義說是杜注本左氏經無子字

六年

四宣

三

七年

八年

夏六月公子遂如齊至黃乃復辛巳有事于大廟仲

遂卒于垂

杜注云不言公子因上行還閒無異事省文從可知正義引衛氏難杜云其閒有辛巳有事于大廟何得謂閒無異事案衛冀隆難杜則書字書地賈服皆有義例今不可考又案如杜預說經當但書遂卒于垂可矣何復加一仲字好與古違其說不攻而自破

戊子夫人嬴氏薨

嬴氏公羊穀梁曰熊氏

案嬴熊聲近相通

楚人滅舒蓼

舒蓼穀梁曰舒鄆

案說文邑部鄆地名从邑蓼聲是鄆為正字蓼為假借字

秋七月甲子日有食之

劉歆以為十月二日楚鄭分

案是年入甲申統一千四十二年積月一

萬二千八百八十七閏餘十七正春分閏在四月後積日三十八萬五百六十四小餘二十六餘四十四正月戊辰朔小小餘六十三二月丁酉朔大小餘二十五三月丁卯朔小小餘六十八四月丙申朔大小餘三十閏月丙寅朔小小餘七十三五月乙未朔大小餘三十五六月乙丑朔小小餘七

十八七月甲午朔大小餘四十八八月甲子朔大小餘二十九月甲午朔小小餘四十五十月癸亥朔二日甲子又置上積日加積日二百九十五以統法乘之以十九乘小餘四十五并之滿周天除去之餘四十一萬三千八百十六滿統法而一得積度二百六十八度餘一千三百六十四命如法得十月癸亥朔合辰在角五度二日甲子在角六度角在鶉尾壽星之間十二次之分鶉尾楚也壽星鄭也故曰楚鄭分

冬十月己丑葬我小君敬嬴

敬嬴公羊穀梁曰頃熊

案敬之與頃猶嬴之與熊皆音聲相近穀梁疏以敬

嬴作頃熊一人有兩號非也

九年春王正月公如齊

左氏說妾子為君當尊其母有三年之喪而出朝

會非禮也故譏魯宣公

通典九十三引五經異義

陳殺其大夫洩冶

洩冶穀梁曰泄冶

案凡泄之作洩皆唐人避諱改

十年

夏四月丙辰日有食之

劉歆以為二日

毛本漢書曰譌作月今从汪本

魯衛分

案是年入甲申統一

千四十四年積月一萬二千九百十二閏餘十二  
積日三十八萬一千三百二小餘四十二大餘二  
正月丙戌朔大小餘四二月丙辰朔小小餘四  
七三月乙酉朔大小餘九四月乙卯朔二日丙辰  
又置上積日加積日八十九以統法乘之以十九  
乘小餘九并之滿周天除去之餘十二萬六十四  
滿統法而一得積度七十八度餘二十二命如法  
得四月乙卯朔合辰在奎七度二日丙辰在奎八  
度

五月公至自齊

還至不月為下癸巳月賈服例

公孫歸父帥師伐邾取繹

繹公羊曰類案類即類字古音繹類不同部

十有一年

夏楚子陳侯鄭伯盟于辰陵

辰陵穀梁曰夷陵案辰之作夷蓋隸變致誤

納公孫寧儀行父于陳

寧公羊曰甯案寧作甯說見僖七年

賈逵云稱納者內難之辭二子不繫之陳絕于陳

也惡其與君淫故絕之善楚有禮也正義

十有二年

宋師伐陳

公羊疏云諸家經皆有此文惟賈氏注者闕此一經疑奪耳

十有三年春齊師伐莒

莒公羊曰衛案傳說不同

冬晉殺其大夫先穀

先穀穀梁曰先穀案穀作穀說見文二年

十有四年

十有五年

夏五月宋人及楚人平

賈逵云稱人眾辭善其與眾同欲正義

仲孫蔑會齊高固于無婁

無婁公羊曰牟婁案無作牟方音通轉儀禮公食大夫禮注駕無母釋文無音牟

冬蝥生

劉歆以為蝥蠃蠹之有翼者食穀為災黑眚也漢書

五行志中之下

十有六年

夏成周宣榭火

火公羊穀梁曰炭

案傳說不同

左氏說榭者講武之坐屋

漢書五行志上

服虔云宣揚威武之處

正義

冬大有年

劉賈許云言有者不宜有之辭也

正義六

十有七年

六月癸卯日有食之

劉歆以為三月晦朏魯衛分

案是年入甲申統一千五十一

萬二千九百九十九閏餘四積日三十八萬三千八百七十一小餘五十七大餘五十一正月乙亥朔大小餘十九二月乙巳朔小小餘六十二三月甲戌朔大癸卯晦小餘二十四又置上積日加積日八十八以統法乘之以十九乘小餘二十四并之滿周天除去之餘十二萬五千三百三十七滿統法而一得積度八十一度餘六百七十八命如法合辰在奎十度

晦而月見西方謂之朏朔而月見東方謂之仄隱

仄隱則侯王其肅朏則侯王其舒劉歆以為舒者

侯王展意顯事臣下促急故月行疾也肅者王侯  
縮胸不任事臣下弛縱故月行遲也當春秋時侯  
王率多縮胸不任事故食二日仄慝者十八食晦

日眺者一此其效也漢書五行志下之下

十有八年

秋七月邾人戕郈子于郈

賈逵云邾使大夫往殘賊之正義

甲戌楚子旅卒

旅穀梁曰呂案說文云檣篆文呂从囟旅聲是呂為古文檣為篆文旅即檣之省文書

秦誓旅力既愆詩小雅旅力方剛其字皆當作呂旅乃假借字耳

公孫歸父如晉

服虔曰歸父襄仲之子史記集解三十三

歸父還自晉至笙遂奔齊

笙公羊穀梁曰禮案左氏釋文云笙勅貞反穀梁釋文云禮丑貞反是二字同音

故得通假

成公



正義云成公以定王十七年即位案正義不言是歲星所在蓋誤奪置宣元年歲星定次九次餘六十三各加十八得積次二十七次餘八十一積次滿十二去之得定次三命如法得歲在降婁

春秋古經第八

元年

三月作丘甲

服注引司馬法云四邑為丘有戎馬一匹牛三頭是日匹馬丘牛四丘為甸甸六十四井出長轂一乘馬四匹牛十二頭甲士三人步卒七十二人戈

楯具備謂之乘馬

詩正義十三之二禮記正義五十一

漢書刑法志云魯成公作丘甲失其正春秋書而譏之以成王道顏注用服說又曰一說別令人為丘作甲也士農工商四類異業甲者非凡人所能為而令作之譏不正也案顏注所稱一說云云此二傳說然服氏注傳每稱一說疑服氏兼取二傳

秋王師敗績于茅戎

茅戎公羊穀梁曰質

案公羊釋文云質音茅是茅質同音故得通假

二年

六月癸酉季孫行父臧孫許叔孫僑如公孫嬰齊帥

四成

師會晉郤克衛孫良夫曹公子首及齊師戰于鞌

首公羊曰手

案手古首字儀禮大射儀相者皆左何瑟後首士喪禮載魚左首鄭注並

云古文首為手壽恭謂襄二十五年傳投手于我手亦首之古文聲同通用

秋七月齊侯使國佐如師已酉及國佐盟于袁婁

袁婁穀梁曰爰婁

案袁爰通說見僖四年

十有一月公會楚公子嬰齊于蜀丙申公及楚人秦

人宋人陳人衛人鄭人齊人曹人邾人郕人

盟于蜀

正義引釋例云楚之君臣最多混錯舊說亦隨文強生善惡之狀混瀆無已其不能得辭則皆言惡

蠻夷得志

案據此則左氏舊說以傳云卿不書

置盟也專指秦宋陳衛鄭言楚公子嬰齊不書是惡蠻夷之得志傳云畏晉而竊與楚盟故曰置盟然則楚固未嘗畏晉也嬰齊之不書非為置盟可知

三年春王正月公會晉侯宋公衛侯曹伯伐鄭

經書宋公衛侯賈服以為譏其不稱子

禮記正義五

二月公至自伐鄭甲子新宮災三日哭

還至不月此書二月者為下甲子書也

賈例

晉卻克衛孫良夫伐虜咎如

虜咎如公羊曰將咎如穀梁曰牆咎如

案將為牆之假借字

虜即牆之隸變凡隸書并皆作广

鄭伐許

賈逵云鄭小國與大國爭諸侯仍伐許不稱將帥

夷狄之刺無知也

正義

四年

三月壬申鄭伯堅卒

堅公羊曰取穀梁曰賢

案公羊釋文云取本或作堅是公羊經作取又公羊

疏云穀梁作賢字是穀梁經作賢今本公穀經並同左氏作堅蓋後人所改堅取賢三字古通漢潘乾校官碑云親取寶誓國三老袁良碑云優取之寵三國志管幼安傳注引今文尚書云優賢揚歷是優取即優賢也東觀漢記云陰城公主名賢得續漢書天文志作堅得說文取堅也古文以為賢字是堅取賢三字古通之證

冬城鄆

案此為西鄆昭二十五年齊侯圍鄆二十六年齊取鄆公至自齊居于鄆二十七年鄆潰定三年齊取鄆以為陽虎邑六年季孫仲孫圍鄆十年齊人歸鄆田皆是也京相璠曰廩丘縣東八十里有故

四城

鄆城

鄭伯伐許

左氏說諸侯未踰年在國內稱子以王事出則稱

爵詘于王事不敢伸其私恩鄭伯伐許是也春秋

不得以家事辭王事諸侯蕃衛之臣雖未踰年以

王事稱爵是也

通典凶禮十五引五經異義

五年

夏叔孫僑如會晉荀首于穀

荀首公羊曰荀秀

案首秀同音相假

梁山崩

劉歆以為梁山晉望也崩弛崩也古者三代命祀

祭不越望吉凶禍福不是過也國主山川山崩川

竭亡之徵也美惡周必復是歲歲在鶉火至十七

年復在鶉火樂書中行偃殺厲公而立悼公

漢書五行

志下之上案置元年定次三次餘八十一各加

四得積次七次餘八十五置積次命如法得歲在

鶉火

七

六年 簡王元年歲在鶉尾太歲壬申

晉欒書帥師救鄭

救鄭公羊曰侵鄭

案何氏于公羊經鄭伯費卒下注云不書葬者楚伐鄭喪諸侯不能救晉欒書又侵之故去葬使若非伐喪者為中國諱也是公羊經作侵與左穀異

七年

八年

宋公使公孫壽來納幣

服注云不稱主人母命不通故稱使婦人無外事

儀禮疏六

秋七月天王使召伯來賜公命

賜公命公羊穀梁曰錫公命

案春秋三書錫命惟此年左氏經作賜當是譌也錫賜古今字易師卦九二王三錫命釋文云錫徐音賜鄭本作賜儀禮燕禮以賜鐘人于門內雷鄭注云古文賜作錫

賈逵云諸夏稱天王畿內曰王夷狄曰天子成公

八年乃得賜命與夷狄同故稱天子 正義

九年

西成

季孫行父如宋致女

服虔注曰謂成昏

禮記正義十八

十年

公如晉冬十月

冬十月公羊無此一經

案何氏于公如晉下注云如晉者冬也去冬者惡成

公前既怨對不免牲今復如晉過郊乃反遂怨對無事天之意當絕之據此則何注本公羊經無冬十月三字而釋文不言與左穀異疑二傳亦無此三字中庸正義云成十年不書冬十月賈服以為不視朔登臺是左氏經本無冬十月三字今本有者衍

十有一年春王三月公至自晉晉侯使郤犇來聘已

丑及郤犇盟

郤犇公羊曰郤州

案犇州同音相假又案賈氏之例還至不月此月者當別有

義例或為下已丑月今不可考

郤犇服虔以為郤克從祖昆弟

正義世本云郤豹生冀芮芮生缺

缺生克又云豹生義義生步揚步生州州即犇也犇與克俱豹之曾孫故為从祖昆弟

十有二年

夏公會晉侯衛侯于瑣澤

瑣澤公羊日沙澤 案瑣沙聲轉相通 釋文云二

氏經定七年作沙與陸氏所見本異

十有三年

曹伯盧卒于師

盧公羊穀梁日廬

案左傳釋文云盧亦作廬公羊釋文云盧力吳反本亦作廬廬

廬古多通用

十有四年

十有五年

晉侯執曹伯歸于京師

歸于京師公羊日歸之于京師 案傳說不同

十有六年春王正月雨木冰

劉歆以為上陽施不下通下陰施不上達故雨而

木為之冰 漢書五行志上

六月丙寅朔日有食之

劉歆以為四月二日魯衛分

案是年入甲申統一千六十八年積月一

萬三千二百九閏餘九積日三十九萬七十三小餘十五大餘十三正月丁酉朔小小餘五十八二

月丙寅朔大小餘二十三  
月丙申朔小小餘六十八  
三四月乙丑朔二日丙寅又置上積日加積日八  
十八以統法乘之以十九乘小餘六十三并之滿  
周天除去之餘十一萬五千八百十六滿統法而  
一得積度七十五度餘三百九十一命如法得四  
月乙丑朔合辰在奎四度二日丙寅日在奎五度  
甲午晦晉侯及楚子鄭伯戰于鄆陵

賈氏云鄆陵之戰譏楚子故書正義五十五

服虔曰鄆陵鄭之東南地也史記集解三十九

九月晉人執季孫行父舍之于茗丘

茗丘公羊曰招丘案茗招同音相假

賈逵以為書執行父舍于茗丘言失其所不書至者刺晉聽讒執之示已無罪也正義

十有七年春衛北宮括帥師侵鄭

括公羊曰結案括結聲轉相通

九月辛丑用郊

劉賈以為諸言用皆不宜用反于禮者也正義引釋例

十有一月公至自伐鄭壬申公孫嬰齊卒于狸脰

狸脰公羊曰狸軫穀梁曰狸蜃案地名無定字脰軫音之轉脰蜃古



字通故脈膳  
亦作蜃膳

舊說壬申十月十五日狸脈魯地也

正義引釋例案下十有二

月丁巳朔劉歆以為九月朔則此壬申劉歆以為  
七月十五日也是年入甲申統一千六十九年積  
月一萬三千二百二十一閏餘十六閏在六月前  
積日三十九萬四百二十七小餘四十五大餘七  
正月辛卯朔大小餘七十二月辛酉朔小小餘五十  
三月庚寅朔大小餘十二四月庚申朔小小餘五  
十五五月己丑朔大小餘十七閏月己未朔小小  
餘六十六戊戌子朔大小餘二十二七月戊午朔  
十五日壬申是月小小餘六十五八月丁亥朔大  
小餘二十七九月丁巳朔說左氏者以壬申為十  
月十五據魯麻言之也 正義又引長麻云公羊  
穀梁及諸儒皆以為十月十五日也 案公羊傳

云非此月日也曷為以此月日卒之待君命然後  
卒大夫何休注云据下丁巳朔知壬申在十月穀  
梁傳云十一月無壬申壬申乃十月也致公而後  
錄臣子之義也范甯注云嬰齊定以十月壬申日  
卒而公以十一月還先致公而後錄其卒故壬申  
在十一月下也嬰齊從公伐鄭致公然後伐鄭之  
事畢須公事畢然後書臣卒先君後臣之義也公  
羊以為待君命然後卒大夫穀梁以為致公而後  
錄臣子二傳說各不同左氏先儒蓋兼取二傳然  
二傳但言壬申在十月不定為十五日定為十五  
日者左氏說也

十有二月丁巳朔日有食之

劉歆以為九月周楚分

案置是年積日三十九萬  
四百二十七加積日二百

六十六以統法乘之以十九乘小餘二十七并之  
滿周天除去之餘三十七萬七百六十滿統法而  
一得積度二百四十度餘一千四百命如法合辰  
在翼十二度距張十一度張為周之分星翼為楚  
之分星故  
日周楚分

十有八年

晉弒其君州蒲

正義二十六引應劭諱議云周穆王名滿晉厲公  
名州滿又有王孫滿同名不諱則此為州滿案  
史記諸侯年表作壽曼壽州曼滿  
聲近相通疑當如正義說作滿

晉侯使士魴來乞師

士魴公羊曰士彭

案魴彭同  
聲相假

滿周天除去之餘三十七萬七百六十滿統法而  
一得積度二百四十一度餘十二圓百命如法合辰  
在翼十二度距張十一度張為周之分星翼為楚  
之分星故  
日周楚分

十有八年

晉弑其君州蒲

正義二十六引應劭諱議云周穆王名滿晉厲公  
名州滿又有王孫滿同名不諱則此為州滿案  
史記諸侯年表作壽曼壽州曼滿  
聲近相通疑當如正義說作滿

晉上澠公羊曰士道

案澠道同

